



Panorama b.b.
73000 Gorazde
Bosna i Hercegovina

Telefon : +387-38 227 850
Fax : +387-38 228 594
E-mail : aldi@aldi.ba
Internet: www.aldi.ba

Registrovana u Bosni i Hercegovini
kao ne-profitna organizacija broj
04-05-2-5852/00 F BiH

Gorazde, 21. oktobar, 2010.

Broj : AL/10/114/10
Predmet : Prijedlog za izradu Programa rada u saradnji sa civilnim društvom

Poštovani,

Na početku želimo da vam čestitamo na rezultatima proteklih općih izbora sa nadom da će naredne četiri godine javna administracija napraviti snažan iskorak u rastu životnog standarda i u poboljšanju stanja u oblasti zapošljavanja, socijalne politike, zdravstva i svim drugim sektorima ključnim za iskorjenjivanje siromaštva u Bosni i Hercegovini.

Tokom predizborne kampanje vaša politička stranka je kreirala izborni program koji ste ponudili biračima i koji smatramo da postoji snažna volja da se ciljevi vašeg programa uspješno provedu u naredne četiri godine. Međutim, obzirom da će na svim nivoima vlasti biti neophodno formirati koalicije više stranaka, potrebno je da vladajuća koalicija izradi konkretan program rada u naredne četiri godine koji će poslužiti kao osnova za planiranje svih programa rada javne administracije, javnih ustanova i preduzeća u većinskom vlasništvu države, jer šanse za ostvarivanje takvog programa su značano veće ukoliko se u njegovu implementaciju angažuju svi resursi sa kojim raspolaze javni sektor.

Obzirom na složenost procesa strateškog planiranja, nepostojanje iskustva javne uprave u planiranju i provođenju razvojnih planova i programa, smatramo da je ključ uspjeha, pored predanosti političkih lidera, izrada specifičnog, mjerljivog, ostvarljivog, realističnog i vremenski određenog programa rada koji bi trebao sadržavati:

- Svrhu programa, temeljne vrijednosti i principe na osnovu kojih će se program rada provoditi naredne četiri godine,
- Ključne i strateške ciljeve kojima će se težiti implementacijom programa rada,
- Prioritetne zadatke javne uprave u oblasti razvoja do kraja 2014. godine,
- Prioritetne reforme, programe, projekte, aktivnosti i mjere koje će javna uprava provesti u periodu do kraja 2014. godine;
- Detaljan opis procesa implementacije programa rada sa akcentom na nadležnosti organa javne uprave i uloge privatnog i civilnog sektora u procesu planiranja, implementacije, monitoringa i evaluacije,
- Odredbe o načinu finansiranja definisanih prioriteta i povezanost sa procesom budžetskog planiranja,
- Precizan plan procesa monitoringa i evaluacije programskih aktivnosti,

- Mjerljiv opis očekivanih rezultata u naredne četiri godine,
- Definirano pitanje odgovornosti za provođenje plana i pitanje saradnje i koordinacije na implementaciji plana.

Imajući u vidu iskustvo organizacija civilnog društva u procesu planiranja aktivnosti u oblasti razvoja, smatramo da je za uspjeh u provođenju vašeg programa izuzetno korisno u proces izrade i implementacije programa rada uključiti predstavnike civilnog društva.

U prilogu ovog pisma dostavljamo vam dva po nama izuzetno korisna alata koji vam mogu korisno poslužiti prilikom definisanja strateških prioriteta i ciljeva. Oba alata su kreirana od strane osoblja ALDI u okviru širih programskih aktivnosti.

Prvi alat je nedavno objavljeni izvještaj: '*Finansijsko lice politike u Bosni i Hercegovini*' koji analizira ukupnu budžetsku potrošnju u Bosne i Hercegovine u periodu od 2006. do 2010. godine, koji vam može kvalitetno pomoći prilikom definisanja ciljeva budžetske potrošnje u naredne četiri godine.

Drugi alat je Priručnik za analizu javnih politika koji sadrži konkretne smjernice prilikom definisanja ključnih problema i pravaca akcije na njihovom rješavanju.

Nadamo se da će Vam naše sugestije pomoći u vašem radu i da ćete prepoznati značaj saradnje sa civilnim društvom u radu na poboljšanju životnog standarda stanovnika Bosne i Hercegovine. Ukoliko imate bilo kakvih pitanja ili pojašnjenja, stojimo vam na raspolaganju.

Unaprijed zahvalni,
Za ALDI,

Vildana Kadrić, v.d. Izvršni direktor

Prilog:

- Izvještaj: '*Finansijsko lice politike u Bosni i Hercegovini*'
- 'Priručnik za analizu javnih politika'

Dostavljeno:

- Naslovu,
- a/a